

Wien, Österreichische Nationalbibliothek (ÖNB), Cod. 909

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

183

C O D I C E S

184

di abrumpitur. Ante annum 1570. scribi debuit; nam hoc anno ad Ecclesiam Aemonensem, cuius in Titulo supra nulla facta est mentione, translatus est Autor vir doctus ex O. P. Venetus, mortuus a. 1582. cum antea Patavinas Cathedras non exiguo tempore ornasset, ut pluribus habes apud Ordinis Bibliothecarios T. II. p. 264. *Explicationes nostrae retractatae*, multumque auctae lucem videre posthac Venetiis apud Iuntas 1575. 4. inscriptae: *De Sex Diebus conditi Orbis Liber*. Aliud Vielmi Opus de D. Thomae Aquinatis doctrina et scriptis Libris II. post edit. Patav. 1564. et Venet. 1575. rursus luci redditum est Viennae 1763. 4.

LXXIV. VII. A. 18

5^a Codex membraneus lat. Sec. XII. aut XIII. Folior. 232. f. per duas columnas luculente scriptus, literis initialibus et Librorum titulis miniatis comprehendit Radulphi, alias Rodulfi f. Rudolfi Mo-

nachi Flaviacensis, Floriacensis, reipsa Flaicensis Commentariorum in Leviticum Libros XX. Praecedit ejusdem aetatis, simulque compactus Sermo de beata virgine maria hoc initio: *Creatoris matrem omnis creatura magnificet &c.* hocque termino: *cui laus et gloria et gratiarum aeterno in sempiterna secula. Amen.* Dein *Incipit tractatus super Leuiticum.* Cum inter Socios aliquando sermo de iudeorum contentionibus haberetur &c. Prologus hic etiam distributionem totius Operis in Libros et Capita exhibet, finiturque: *seu per eos in populo tradit dispensanda.* Habent et subsequi Libri Praefationes suas exceptis II. III. V. IX. X. XI. XIII. XVIII. et XX. Praefationem Odavi sic orditur Scriptor: *Quarta iam uoluitur estas, tercia consumpta est, in qua uariis occupationibus distracti multisque anxiabitibus fatigati opusculo huic nostro nichil contulimus.* Calx Codicis hanc rubricam habet: *Explicit tractatus Rudolfi super Leuiticum.* Tum hi versus consequuntur:

*Te duce rex superum uicit certamina miles
Cursor iter. pelagum nauita. scriptor opus.
Fercula rodulfi sacra delata popina
Apposui. posita sumere doce ueni
Edificant. faciant. leuitica facta figurant.
Verbera dura patris. ubera matris habent.*

Floruit Radulphus noster teste Alberico trium Fontium Monacho in Chronico ab Leibnitio Acces. hist. T. II. p. 329. et Menckenio Script. Rer. Germ. T. I. p. 37. edito circa an. 1157. in Coenobio O.

S. B. Flaicensi (S. Germer de Flaix) dioceſeos Bellovacensis. Monachus Cisterciensis erat Albericus, hincque Radulphum ex habitus colore monachum *nigrum* appellat; unde errorem ortum es- fe

Wien, Österreichische Nationalbibliothek (ÖNB), Cod. 909

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

185

HERMENEUTICI.

186

se reor, quo Literatores varii Radulphum hunc *Gallum* ejusque scripta cum Radulpho cognomine Nigro *Anglo Suffolcensi* et ejus scriptis confudere. Ita, ut exemplo recentissimo utar, *Chronicon T. III. Biblioth. Hist. de la France, Paris 1771.* p. 376. Radulpho nostro tributum Angli potius esse videtur, maxime si chronologiam utriusque species. Adi in hanc rem *Th. Tanneri Bibl. Britanno-Hib. p. 548.* Opus Nostri in *Leviticum* lucem primum publicam vedit *Coloniae impensis Quentelianis* opera *Euch. Cervicorni M. D. XXXVI. f. moxque in PP. Bibliothecas* transfit, quarum *maxima Lugdunensis* illud T. XVII. exhibit ad p. 47. Autorem literis etiam profanis sic satis imbutum, sed in consecrandis allegoriis nimium fuisse liquet.

LXXXV. VII. C. 17

¹⁷⁴ Codex membraneus lat. Sec. XIII. Folior. 186. f. probe scriptus et rubricis exornatus fistit *Radulphi Flaicensis Monachi O. S. B. Commentariorum in Leviticum Partem I. five Libros X. priores. Integrum Opus XX.* Libb. *Cod. LXXIV.* et Partem II. five Libros X. posteriores *Cod. LXXVI.* exhibemus, qui tamen cum praefenti nec forma, nec scriptura cohaerent. Prologi miniatus titulus est: *Incipit prologus in tractatum super leviticum.* Neque nomen Autoris proditur, nisi in *nota Sec. XV. praevia pro Lectore mensae,*

in qua *Rudolfus super leuiticum* audit. Initium Prologi est: *Cum inter socios aliquando sermo de iudeorum contentionibus haberetur &c.* Illud singulare, quod et hic, et in singulorum Librorum principiis pro literae initialis florulae longitudine lineae rubrae nigraeque alternent. Prologum *Elenchus Capitum omnium XX.* Libb. excipit, quem breve aliud *Proemium* sequitur hoc exordio: *Tercius in Moysi libris leuiticus appellatur &c.* et tum denique minio: *Incipit tractatus super Leuiticum. De holocausto bouis. Capitulum primum. Pars prima. Vocavit autem Dominus moysen &c.* Finis L. X. qui dedit in mari uiam. et abscondita produxit in lucem. *Explicit liber decimus et prima pars tractatus super leuiticum.* Vide, quae de Autore et Operis editionibus dicta sunt ad *Codd. supercitos.* Nostro adhaeret fabella superstiosa de *tribus bonis Fratribus Christo* occurrentibus et ab eo edocitis vulnera sanare oleo olivae ex monte oliveti et lana ouis nouiter tonsa, adhibita formula sequente: *Sicut longinus hebreus lanceam fixit in latus domini nostri Ihesu christi, et non diu sanguinavit non tumuit non putrui non rancclauit non ardorem tempestatis habuit ita plaga ista quam carmino non diu sanguinet non tumeat non putreat non ranclet non ardorem tempestatis habeat in nomine patris &c.* Carminare hic pro *Incantare* positum notius est; sed *Ranclare* diminutivum aut frequentativum a M 3 Ran-